


## 2017-imi pisortat aningaasaqarnerat

**2017-imi pisortat ingerlatsinernut aningaasaliinernullu 11.1 mio. kr.-init aningaasat atorsimavaat. Taakkunannga 27,4 pct.-it isumaginninnermut kiisalu 18,0 pct.-it ilinniartitaanermut atorpeqarsimapput**

2017-imi pisortat ingerlatsinernut aningaasaliinernullu 11.1 mio. kr.-init aningaasat atorsimavaat. 2016-imut sanilliullugu 585 mio. kr.-inik procentinngorlugu 5,6 pct.-imik atuinerusimapput. Aningaasanik atuineri isumaginninnermut tunngasut atuiffiunerpaajusimapput, taakku pisortat atuinerisa 27,4 pct.-erisimavaat, ilinniartitaanermut tunngasut tulliupput 18,0 pct.-iullutik, titartagaq 1 takuuk.

### Titartaaq 1.

**2017-imi pisortat ingerlatsinerannut kiffartuussinerannullu aningaasat atukkat**



Naatsorsueqqissaartarfiup saqqummersitaanni ”2017-imi pisortat aningaasaqarnerat”-ni tamanna takuneqarsinnaavoq. Saqqummersitaq nittartakkami [www.stat.gl-imi](http://www.stat.gl-imi) atuarneqarsinnaallunilu pdf-fiilitut aaneqarsinnaavoq.

Nunani avannarlerni pisortat akornanni ilinniartitaanermut aamma isumaginninnermut tunngasut pingaartuupput. Kalaallit Nunaanni inuit ataasiakkaarlugit naatsorsornerini takuneqarsinnaavoq aningaasat inummut ataatsimut 35.742 kr.-it ilinniartitaanermut atorpeqarsimasut 54.388 kr.-illu isumaginninnermut atorpeqarsimasut, taamatut naatsorsuineri tunngavigineqarput 2017-imi Kalaallit Nunaanni innuttaasut, 2016-imut


sanilliullugit aningaasat 2017-imi inunnut ataasiakkaanut atorineqarsimasut amerlanerusimapput.

Nunat avannarliit eqqarsaatigalugit Kalaallit Nunaanni ilinniartitaanermut atorineqartartut annertunerungaatsiarput, Savalimmiuni aningaasat ilinniartitaanermut atorineqartartut eqqaassanngikkaanni, titartagaq 2 takuuk. Aningaasat inunnut ataasiakkaanut ilinniartitaanermut atorineqartartut assersuutigalugu Islandimi 29.007 kr.-iupput aamma Norge 26.916 kr.-iullutik. 2017-imi Danmarkimi innuttaasumut ataatsimut 24.611 kr.-it atorineqarsimapput.

Isumaginninneq eqqarsaatigalugu killormut Kalaallit Nunaat inissisimavoq. Inunnut ataasiakkaanut isumaginninnermut aningaasat atorineqartartut nunani avannarlerni tamani annertunerupput. Kalaallit Nunaanni isumaginninnermut inunnut ataasiakkaanut aningaasat 54.388 kr.-it atorineqarsimapput, 2016-imi Norgemi 97.206 kr.-it atorineqarsimapput 2017-imi Danmarkimi inunnut ataasiakkaanut 84.638 kr.-it atorineqarsimallutik, takuuk titartagaq 2.

## Titartagaq 2.

### Inunnut ataasiakkaanut nunani avannarlerni pisortat ilinniartitaanermut aamma isumaginninnermut aningaasat atortagaat



Najoqqutaq: Kalaallit Nunaanni pisortat aningaasaqarnerat 2017 (Kalaallit Nunaat) aamma Nordisk Statistisk Årbog (Nunat allat).

Malugiuk: Kalaallit Nunaanni Danmarkimilu inunnut aningaasat atorineqartut 2017-imeersuupput, Savalimmiuni 2013-imeersut nunanilu allani 2016-imeersuullutik.

### Saqqummersitaq ”2017-imi pisortat aningaasaqarnerat”

Naatsorsueqqissaartarfiup nittartagaanut [www.stat.gl-imut](http://www.stat.gl-imut) pdf-fiilinngorlugu aaneqarsinnaavoq.

Paasisaqarnerorusuttut Naatsorsueqqissaartarfiup pisortaanut Anders Blaabjergimut uunga 34 57 81-imut (toqqaannartumut) sianerlutik paasiniaasinnaapput.